

# *SUARA PIBG SIMDE*

*Sekolah Integrasi Masjid Darul Ehsan  
Jalan SS15/2E Subang Jaya, Selangor Darul Ehsan*

**Terbitan Pertama~Julai 2007**

## **Kata-kata Aluan Yang Dipertua PIBG SIMDE**

Kepada semua IbuBapa, Guru & Penjaga Pelajar Sekolah Integrasi Masjid Darul Ehsan (SIMDE),

السلام عليكم ورحمة الله وبركاته

Alhamdulillah, pemilihan Ahli Jawatankuasa (AJK) Persatuan Ibubapa & Guru (PIBG) SIMDE bagi sesi 2007/2009, telah selamat diadakan dalam Mesyuarat Agong kali ke-3, baru-baru ini. Bagi pihak seluruh ibubapa dan guru, saya merakamkan ucapan terimakasih kepada semua AJK PIBG sesi 2005/2007 yang telah diterajui oleh Tuan Haji Surkery Abd Rahman dan dibantu oleh Tuan Haji Zaharuddin Zakaria, dalam memberi khidmat bakti mereka kepada aktiviti persatuan. Saya berharap mereka akan terus terlibat dalam aktiviti persatuan dan memberi nasihat untuk faedah kita semua.

Saya juga mengucapkan ribuan terima kasih kepada semua ibubapa dan guru yang telah hadir ke Mesyuarat Agong tersebut dan memberi kepercayaan kepada barisan AJK yang baru dalam meneruskan aktiviti PIBG SIMDE. Kepada semua AJK baru, kita mempunyai tanggungjawab yang besar dalam memastikan kesinambungan dan peningkatan prestasi PIBG SIMDE ini.

Penerbitan *SUARA PIBG SIMDE* ini merupakan terbitan pertama PIBG SIMDE 2007/2009 melalui **Biro Perhubungan, Komunikasi & IT**. Ia sangat bertepatan dengan hasrat untuk menyampaikan mesej dan makluman kepada semua ibubapa dan guru SIMDE dalam usaha merapatkan dan memperkukuhkan hubungan silaturrahim. Ia akan menghuraikan hasrat dan fokus PIBG sesi 2007/2009 serta menyediakan ruang untuk taqvim dan sinopsis aktiviti yang bakal dijalankan.

*SUARA PIBG SIMDE* akan memaklum dan mengemaskini aktiviti yang dirancang dari semasa ke semasa di samping mendapatkan komitmen dan sokongan sepadu daripada semua ibubapa. Oleh yang demikian itu, adalah

menjadi harapan untuk kita bersama-sama berganding bahu menggembeleng tenaga, masa dan wang ringgit dalam memastikan kecemerlangan SIMDE dan para pelajarnya.

Pada kesempatan ini juga, saya ingin mengucapkan terima kasih tidak terhingga kepada semua ibubapa yang telah dan terus memberi sumbangan / bantuan / sokongan samada secara langsung ataupun tidak dalam aktiviti pembangunan PIBG dan sekolah. Semoga usaha murni ini akan diteruskan dan dapat dicontohi serta mendorong kita yang lain untuk turut sama, jika tidak dengan wang ringgit, menyumbang masa, tenaga dan buah fikiran. Yakinlah, sumbangan dan derma kita dalam apa jua bentuk sekalipun, akan dibalas oleh Allah s.w.t dengan yang lebih baik dan lebih elok.

Dalam melancarkan proses pelaksanaan program / projek yang telah dirangka dan dirancang oleh PIBG bagi 2007/2009 ini, saya serta Ahli Jawatankuasa yang lain menyeru kepada semua ibubapa untuk turut sama menyokong dan melibatkan diri untuk menjayakannya. Dengan sokongan tuan / puan dapat kita martabatkan lagi PIBG SIMDE, Insya Allah.

Bagi tujuan tersebut, disertakan bersama senarai penuh AJK PIBG SIMDE 2007/2009 untuk memudahkan tuan-puan, ibubapa / penjaga pelajar untuk berhubung dan menyertai Jawatankuasa Biro.

PIBG SIMDE sedang membangunkan ruang web yang digabungkan kepada laman web rasmi sekolah [www.simde.edu.my](http://www.simde.edu.my) dan menyediakan pautan forum khas untuk ibubapa, guru dan warga SIMDE. Usaha sedang dilakukan bagi membolehkan ianya *on-line* mulai **1 Ogos 2007**. Tuan / puan dialu-alu menggunakan forum ini sebagai platform untuk perbincangan dan bertukar pendapat untuk kebaikan semua.

Sekian, terimakasih. Wassalam.

Salam Hormat,

**Tajudin Mohd Sap**  
**Yang Dipertua PIBG SIMDE**  
**Sesi 2007/2009**

**Senarai Penuh Ahli Jawatankuasa PIBG SIMDE 2007-2009**

***Yang Dipertua***

**En. Tajudin bin Mohd Sap**  
115, SS19/5B, Subang Jaya, 47500.  
Tel : 017 8824875  
Email : *tajudinms@gmail.com*

***Timbalan Yang Dipertua***

**Tuan Syed Abdullah bin Syed Abdul Rahman**  
47, SS19/4G, Subang Jaya, 47500  
Subang Jaya, 47500  
Tel : 012 2595190

***Setiausaha***

**En. Mohd Mazlan bin Hamat**  
8A 63A Lorong 3 Kg Tengah  
Puchong  
Tel : 019 6929523

***Naib Setiausaha***

**Cik Norhidayati bt Abdul Ghani**  
405 Blok C, SS19/7A, 47500 Subang Jaya  
Tel: 019 3305636  
Email: *nurhidayati\_abdulghani@yahoo.com*

***Bendahari***

**Puan Kamariah bt Nasir**  
Blok E-4-2 Kuarters Intitusi Pendidikan  
USJ 6/1, 47610 Subang Jaya  
Tel : 012 6683332

***Ahli Jawatankuasa***

**En. Farizal bin Masri**  
A-1-4 Kuarters Pendidikan Sek Keb Seafield  
Subang Jaya  
Tel : 016 3407439

**Puan Sabtariah bt. Sapri**  
AG-01 K.I.P Bandar Utama  
47800 Petaling Jaya  
Tel : 013 6701213

**En. Abu Hussain bin Mohamed**  
83, USJ2/4S  
UEP Subang Jaya  
47600 Subang Jaya, Selangor  
Tel : 019 2111772  
Email : *ahsna6@yahoo.com*  
*ahusseim@streamyx.com*

**En. Mohamad Kamal bin Ghani**  
20, SS14/5B  
47500 Subang Jaya  
Tel : 019 2252472  
Email : *mkg62@hotmail.com*

**Puan Fauziah bt Alias**  
3, Jalan Medan 11  
Taman Medan 46000, Petaling Jaya  
Tel : 019 3860223 / 03 77705237

**Puan Sarina bt Mohd Hamsani**  
24, USJ 12/1E  
47630 Subang Jaya, Selangor  
Tel : 019 3306652

**En. Hamizan bin Dalip**  
94, Jalan PJS 4/10 Taman Medan  
46000, Petaling Jaya  
Tel : 017 3541992

**En. Syuhaimi bin Abdullah Syukor**  
47, USJ11/3N  
47500 UEP Subang Jaya, Selangor  
Tel : 012 2995590  
Email : ad\_zone74@yahoo.com

**Pemeriksa Kira-kira I**

**Cik Ummi Haryati bt Abdul Hadi**  
208 Blok B, SS19/7A  
47500 Subang Jaya  
Tel : 017 2329982

**Pemeriksa Kira-kira II**

**Puan Sita Dini bt Abdul Samad**  
38, USJ1/4E  
Subang Jaya, 47500 Selangor  
Tel : 012 6171685  
Email : sita\_dini2001@yahoo.co.uk

Jawatankuasa PIBG SIMDE sesi 2007 – 2009 telah bermesyuarat menentukan halatuju PIBG 2007 – 2009 dan menubuhkan Biro serta perlantikan Ketua bagi setiap Biro tersebut. Berikut adalah Biro-biro yang ditubuhkan dan mereka yang mengetuainya:

**Senarai Biro-biro**

- a. Biro Pendidikan, Kebajikan & Hal Ehwal Pelajar**
  - Puan Sarina bt Mohd Hamsani (019-3306652)
- b. Biro Pembangunan Infrastruktur dan Penyelenggaraan**
  - Encik Syuhaimi bin Abdullah Shukor (012 2995590)
- c. Biro Keceriaan, Keselamatan, Kebersihan & Kesihatan**
  - Encik Abu Hussain bin Mohamed (019-2111772)
- d. Biro Perhubungan, Komunikasi & IT**
  - Puan Sita Dini bt Abdul Samad (012-6171685)
- e. Biro Ekonomi, Kewangan, Tajaan & Sumbangan**
  - Encik Hamizan bin Dalip (017-3541992)
- f. Biro Sukan, Rekreasi & Kebudayaan**
  - Encik Mohamad Kamal bin Ghani (019-2252472)
- g. Biro Dakwah**
  - Puan Fauziah bt Alias (019-3860223)

Selain penubuhan Biro-biro ini, Jawatankuasa PIBG sesi 2007 – 2009 juga telah merancang melaksanakan beberapa program dan penambahbaikan. Di antaranya ialah:

1. Program Qiamullail UPSR/ PSRA
2. Menaiktaraf bangunan, padang, pagar & persekitaran sekolah
3. Menubuhkan Tabung Kebajikan PIBG
4. Laman web untuk PIBG & Suara PIBG
5. Lawatan Guru, Ibumama & Pelajar ke rumah Anak-anak Yatim
6. Program Berkongsi & Bercerita (ala “Show & Tell”)
7. Pertandingan Amal Golf
8. Hari Kecemerlangan Pelajar
9. Perbincangan / Perjumpaan bersama Ibumama & Guru
10. Pertandingan Nasyeed (Terbuka @ Jemputan) antara sekolah
11. Konsert Amal dan Makan Malam & Hi-Tea
12. Pertandingan Catur tertutup (terbuka) SIMDE
13. Gotong Royong
14. Program Kesenian Islam
15. Seminar Keibubapaan
16. Hari Keluarga SIMDE / Perjumpaan Hari Raya
17. Memperelokkan Taman Sains
18. Penubuhan Kumpulan Kompang & Nasyid

Adalah menjadi harapan supaya program-program ini dapat dilaksanakan seperti yang dirancang melalui penubuhan Biro-biro tersebut. Bagi menjayakan program ini, PIBG SIMDE mengalu-alukan lebih ramai ibumama menawar dan melibatkan diri sebagai ahli dalam biro-biro yang telah ditubuhkan ini.

***Sila hubungi Ketua Biro berkenaan untuk memaklumkan nama dan maklumat tuan / puan.***

---

PIBG akan melaksanakan satu program dinamakan “***Program Berkongsi & Bercerita***” mulai 2007-2009. Berikut adalah latarbelakang program ini.

### **PROGRAM BERKONGSI & BERCERITA**

#### **Tujuan**

- a. Memberi penerangan khusus kepada pelajar-pelajar SIMDE, ibumama dan guru, amnya, mengenai suatu pekerjaan, pengalaman atau hobi.
- b. Membuka minda pelajar mengenai latarbelakang suatu pekerjaan, pengalaman atau hobi dan menyuntik semangat kepada pelajar untuk meningkatkan semangat jatidiri dan daya kreativiti.
- c. Menyediakan aktiviti dan ruang untuk ibumama dan penjaga berkongsi pengalaman, pekerjaan atau hobi mereka kepada rakan-rakan anak-anak mereka sendiri dan menggalakkan para pelajar bersoaljawab.
- d. Meningkatkan penglibatan ibumama dalam satu aktiviti untuk kebaikan anak-anak.

### Latar Belakang Program

**Program Berkongsi & Bercerita** ini adalah satu program seperti aktiviti “*Show n Tell*”, yang membolehkan ibubapa dan penjaga bercerita tentang pengalaman, pekerjaan dan hobi unik mereka kepada para pelajar, guru-guru dan juga sesama ibubapa.

**a. Penceramah/Sukarelawan** – Terbuka kepada semua ibubapa/penjaga yang berminat. Setiap penceramah diberi masa 20 minit untuk bercerita tentang pengalaman, pekerjaan atau hobi mereka yang unik.

*Sebagai contoh, jika penceramah adalah seorang pegawai polis, beliau boleh bercerita tentang pekerjaannya, alat kelengkapan, perjalanan siasatan kes, hukuman tertentu dan bagaimana untuk menjadi anggota polis. Bagi seorang kadhi / imam / ustaz / al-hafiz, beliau boleh bercerita tentang proses pembelajaran ilmu agama, kaedah memudahkan hafazan atau cara memandikan mayat. Bagi seorang penternak komersil ayam / kambing / lembu / ikan, beliau boleh menceritakan tentang baka haiwan, cara menjaga dan juga cara penyembelihan yang betul menurut Islam. Seorang ibubapa atau penjaga yang terlibat atau mempunyai hobi tertentu seperti aktif dalam Persatuan Bulan Sabit Merah, Persatuan Hidupan Liar, memancing, mengumpul stem / robot / kereta mainan atau terlibat dengan Persatuan Pencinta Alam dan sebagainya, juga boleh menceritakan keistimewaannya.*

**b. Pakaian** - Bagi pekerjaan yang melibatkan kod pakaian khas seperti polis, tentera, bomba, mekanik, peguam atau doktor, penceramah perlu memakainya untuk menarik minat para pelajar.

**c. Audien** - Terbuka kepada semua pelajar SIMDE Tahun 1 hingga Tingkatan 3, guru-guru, ibubapa dan kaum keluarga mereka yang berminat.

**d. Tarikh / Tempat** - Akan dijadikan aktiviti bulanan. Ia akan diadakan samada pada hari Sabtu atau Ahad iaitu pada hari yang tidak bertembung dengan program dan aktiviti sekolah. Ianya akan dijalankan di Dewan SIMDE.

**e. Masa** – Sesi akan bermula jam 10 pagi hingga 11.30 pagi. Seramai 3 orang penceramah diperlukan untuk setiap sesi bulanan. Setiap topik akan diikuti dengan sesi soaljawab.

**f. Bahan / Material** - Untuk menarik minat anak-anak, **slide show presentation** dengan gambar-gambar, adalah digalakkan untuk digunakan (komputer dan kelengkapan lain akan disediakan - sila bawa thumbdrive / disket). Penceramah juga digalakkan membawa bahan-bahan atau peralatan yang digunakan dalam pekerjaan, pengalaman dan hobi mereka untuk dipertontonkan.

**g. Cenderahati** - Penceramah / Sukarelawan akan diberi cenderahati atas sumbangan mereka.

**h. Jamuan** - Jamuan ringan akan disediakan oleh pihak PIBG.

### Pendekatan

Bagi menjayakan **Program Berkongsi & Bercerita** tersebut, PIBG memohon ibubapa dan penjaga secara sukarela berkongsi pengalaman, pekerjaan dan hobi unik mereka kepada para pelajar. Sila hubungi **Biro Pendidikan, Kebajikan & Hal Ehwal Pelajar (BPK&HEP)** dan maklumkan perkara berikut:

- a. *Nama Penuh*
- b. *Topik/Tajuk yang ingin dikongsi*
- c. *Sinopsis Pekerjaan / Pengalaman / Hobi Unik.*

BPK&HEP akan menghubungi semula tuan / puan untuk memaklumkan jadual dan tarikh sebenar program yang akan dijalankan mulai 2007 hingga 2009 nanti.

### KUMPULAN KOMPANG SIMDE - "GEMA SIMDE"

PIBG & SIMDE sedang merancang untuk menubuhkan satu kumpulan kompong SIMDE. PIBG mengalu-alukan penyertaan ibubapa yang berminat untuk mengajar kumpulan kompong tersebut. Sumbangan dalam bentuk kewangan dan barangan dalam pembangunan kumpulan ini sangat dihargai. Sila hubungi **Biro Sukan, Rekreasi & Kebudayaan.**

#### PROGRAM TERKINI BULAN OGOS ~ 3 OGOS 2007:

PIBG & SIMDE akan menganjurkan **Program Qiamullail UPSR / PSRA** bertempat di Surau sekolah. Program ini akan dibuat setiap minggu bermula **3 Ogos 2007 (Jumaat malam Sabtu, selepas Maghrib/Isyak).**

Di dalam program setiap minggu ini, PIBG bercadang untuk menyediakan ruang untuk 3 orang (ibubapa & penjaga) menyampaikan kata-kata nasihat kepada para pelajar dengan harapan kata-kata nasihat dari ibubapa & penjaga dapat meninggalkan kesan yang lebih mendalam kepada anak-anak kita untuk terus berusaha di samping memahami konsep bertawakal kepada Allah.

Sehubungan dengan itu, kami memerlukan ibubapa dan penjaga untuk menjayakan program setiap minggu ini. Sila hubungi **Setiausaha PIBG / BPK&HEP** untuk tujuan ini.

### TABUNG KEBAJIKAN PIBG

PIBG telah menubuhkan **Tabung Kebajikan PIBG (TKP)** yang dananya akan digunakan dan disalurkan untuk hal-hal kebajikan Ibubapa, Guru dan Penjaga seperti kepada mereka yang ditimpa bencana alam, kemalangan / kematian, kebakaran rumah dan juga kepada guru-guru cemerlang serta lama bekerja. Bagi tujuan ini, hadiah dan sumbangan berbentuk kewangan daripada semua ibubapa sangat dihargai. Sila hubungi **Bendahari PIBG** bagi menghulur dan mengumpul dana / sumbangan tersebut.

**PROGRAM TERKINI BULAN OGOS ~ 4 OGOS 2007:**

PIBG juga ingin menjemput ibubapa & penjaga untuk turut sama menyertai dan memeriahkan lawatan ke rumah **Nur Hikmah - Pusat Penjagaan Anak Yatim**, Lot 11552, Jalan 18 Taman Mesra, 43000 Kajang pada **4 Ogos 2007**, jam 8.30 pagi. Sila hubungi **Setiausaha PIBG atau Biro Dakwah** untuk maklumat lanjut dan peta ke sana. Terima kasih.

**PENDAFTARAN PELAJAR BARU KE SIMDE UNTUK TAHUN 2008**

SIMDE sedang menjalankan usaha promosi mendapatkan pendaftaran pelajar baru bagi sesi 2008. PIBG meminta sokongan ibubapa untuk turut serta membantu dan mempromosi SIMDE samada melalui penerangan ringkas mahupun pengedaran risalah. Sila hubungi **Setiausaha PIBG**, bagi tujuan promosi sekolah ini.

---

***RENUNGAN:***

*“Wahai anak kesayanganku, dirikan sembahyang, dan suruhilah berbuat kebajikan, serta laranglah daripada melakukan perbuatan yang mungkar, dan bersabarlah atas segala bala' bencana yang menimpamu. Sesungguhnya yang demikian itu adalah dari perkara-perkara yang dikehendaki diambil berat melakukannya” (Surah Luqman, Ayat 17).*

*“Wahai sekalian manusia, bertaqwalah kepada Tuhan kamu, dan takutilah akan hari (akhirat) yang padanya seseorang ibu atau bapa tidak dapat melepaskan anaknya dari azab dosanya, dan seorang anak pula tidak dapat melepaskan ibu atau bapanya dari azab dosa masing-masing sedikitpun. Sesungguhnya, janji Allah itu adalah benar, maka janganlah kamu diperdayakan oleh kehidupan dunia, dan jangan pula kamu diperdayakan oleh bisikan dan ajakan Syaitan yang menyebabkan kamu berani melanggar perintah Allah” (Surah Luqman, Ayat 33).*

---

**SUARA PIBG SIMDE adalah edaran dalaman dan terhad untuk ibubapa, guru & penjaga pelajar-pelajar Sekolah Integrasi Masjid Darul Ehsan**

**SUARA PIBG SIMDE** diterbitkan oleh **Biro Perhubungan, Komunikasi & IT**, PIBG SIMDE. Kami mengalu-alu pandangan untuk memperbaiki kandungan dan susunannya. Sebarang idea dan bantuan, sila hubungi Ketua Biro, Puan Sita Dini

**hp:** 012 6171685 & **email:** [sita\\_dini2001@yahoo.co.uk](mailto:sita_dini2001@yahoo.co.uk)

Sila layari **[www.simde.edu.my](http://www.simde.edu.my)** untuk PIBG eForum.

**Terima kasih.**